



DEPARTAMENTI I EPIDEMIOLOGJISË DHE KONTROLLIT TË  
SËMUNDJEVE INFEKTIVE

BULETINI MUJOR I  
SËMUNDSHMËRISË  
INFEKTIVE  
(Pasqyra 14 Sh)

MAJ, 2025

Buletini Muja i Sëmundshmërisë Infektive publikohet çdo muaj nga Sektori i Survejancës dhe Shërbimi i Inteligjencës Epidemike, Instituti i Shëndetit Publik (ISHP) dhe bazohet në të dhënat e raportuara përmes Pasqyrës Mujore 14 Sh dhe Sistemit të Informacionit të Sëmundjeve Infektive (SISI). Të dhënat e agreguara të Pasqyrës 14 Sh dhe të dhënat individuale të raportuara në SISI për muajin maj 2025 janë të dhënat e raportuara nga Njësitë Vendore të Kujdesit Shëndetësor (NJVKSH), të cilat krahasohen nga Departamenti i Epidemiologjisë dhe Kontrollit të Sëmundjeve Infektive (DEKSI), dhe plotësohen edhe me të dhënat e laboratorëve të referencës në ISHP. Ky raport paraqet kryesisht rastet e konfirmuara dhe në disa raste edhe rastet e dyshuara dhe të konfirmuara.

### 1. Sëmundjet diarreike

Sëmundjet diarreike gjatë muajit maj 2025 zënë 29 % të totalit të sëmundjeve infektive të raportuara me anë të Pasqyrës 14 Sh, dhe paraqesin një incidencë 202.0/100.000 banorë. Gastro-enteritet e paspecifikuara janë të shpërndara në të gjitha bashkitë e vendit dhe zënë peshën kryesore në grupin e sëmundjeve diarreike. Ndërkohë që, në nivel kombëtar helmimet ushqimore paraqesin një incidencë 4.02/100.000 banorë. NJVKSH Berat, Bulqizë dhe Kukës mbajnë peshën kryesore në raportimin e helmimeve ushqimore. Duhet theksuar që, numri i lartë i rasteve të raportuara me helmime ushqimore dhe gastro-enterite është i lidhur me pamundësinë në nivelin e disa bashkive për diagnozën e saktë klinike dhe konfirmimin e saj me diagnozën laboratorike mikrobiologjike. NJVKSH Shkodër mban peshën kryesore të incidencës së Salmonelozës dhe Shigelozës për muajin maj 2025 në nivel kombëtar.

**Tabela 1: Frekuencat dhe incidencat e sëmundjeve diarreike për muajin maj 2025 (Incidenca raste/100.000 banorë)**


|                                        | Raste<br>maj 2025 | Incidenca maj 2025<br>(raste/100.000 banorë) |
|----------------------------------------|-------------------|----------------------------------------------|
| Tifo abdominale + Paratifo             | 0                 | 0.00                                         |
| Salmoneloza                            | 31                | 1.08                                         |
| Shigelozë (Disenteri bacilare)         | 3                 | 0.10                                         |
| Dizenteri amebike                      | 0                 | 0.00                                         |
| Toksiko-infeksione alimentare          | 115               | 4.02                                         |
| Gastro-enterite (etiologji e panjohur) | 5633              | 196.79                                       |
| Sëmundje diarreike në total            | 5782              | 202.00                                       |

## 2. Sëmundjet që parandalohen nga vaksina

### 2.1 Variçela

Në raportimin mujor të sëmundshmërisë infektive gjatë muajit maj 2025 janë raportuar në total 205 raste variçelë (incidenca 7.1/ 100.000 banorë) nga të cilat, 146 raste janë të dyshuara dhe 59 të konfirmuara klinikisht, bazuar kjo në përkufizimin e rastit për sëmundjen variçelë. Numri më i madh i rasteve është raportuar nga NJVKSH Tiranë me 50 raste. Numri më i lartë i rasteve i përket grup-moshës 1-4 vjeç me 85 raste, grafiku 1.

Grafiku 1. Shpërndarja e rasteve sipas grup-moshës




2.2 Fruthi

Gjatë muajit maj janë raportuar 3 raste të dyshuar me fruth nga të cilat është konfirmuar një rast (33.3%) nga ana laboratorike si pozitiv me virusin e fruthit. Incidenca e fruthit për muajin maj është 0.04/100000 banorë.

| Muaj   | Nr. rastesh | Incidenca |
|--------|-------------|-----------|
| Janar  | 1           | 0.04      |
| Shkurt | 3           | 0.12      |
| Mars   | 10          | 0.42      |
| Prill  | 0           | 0         |
| Maj    | 1           | 0.04      |

**Grafiku 2. Shpërndarja e rasteve të konfirmuar sipas datës së fillimit të rashit**



Siç shihet dhe nga grafiku gjatë muajit maj është një rast i konfirmuar me fruth në javën e 18. Rasti i përket gjinisë mashkull, i moshës 1 vjeç, i shtruar në spital me shenja të fruthit, i pavaksinuar me asnjë dozë vaksine FRP, banor i bashkisë Tiranë.

Nga ana e shërbimit të epidemiologjisë së NJVKSH Tiranë është kryer hetimi i rastit dhe janë marrë masat e kontrollit për ndërprerjen e transmeimit të virusit.

### 3. Tuberkulozi pulmonar dhe ekstrapulmonar

Gjatë muajit maj 2025 janë raportuar gjithsej 13 raste me tuberkuloz (TB), të cilat janë pulmonarë.

Rastet e raportuara me TB pulmonar janë të konfirmuara pozitivë.

Rastet pulmonare përkatësisht janë: 9 në Tiranë, 2 në Lezhë, 1 në Kukës dhe 1 në Durrës.

Këtë muaj kemi 1 rast recidiv, përkatësisht në Lezhë.

Konfirmimet e tyre janë kryer në Laboratorin e Referencës të rekomanduara nga dispanseria e rrethit përkatës. Për të gjitha rastet janë lajmëruar dispanseritë përkatëse për të komunikuar me familjarët e tyre, si dhe për të kryer kontrollin në vatër bazuar në të gjitha ekzaminimet për depistimin e tyre. Pothuajse të gjithë pacientët kanë filluar mjekimin sipas skemës përkatëse. Siç vihet re dhe nga shpërndarja e rasteve, ato me TB janë të fokusuara kryesisht në Tiranë me numër më të madh.

#### 4. Sëmundjet zoonotike

**Tabela 3. Shpërndarja e zoonozave në muajin maj 2025, numri total i rasteve dhe  
 incidenca (Antraks, Brucelozë, Leptospirozë, Rikeciozë)**

|                  | Maj (raste 2025) | Incidenca (raste/100,000) 2025 |
|------------------|------------------|--------------------------------|
| Antraks (Plasje) | 0                | 0.00                           |
| Brucelozë        | 10               | 0.35                           |
| Leptospirozë     | 0                | 0.00                           |

Për muajin maj janë raportuar 10 raste Brucelozë përkatësisht: 3 në Tepelenë, 3 në Dibër, 3 në Korçë dhe 1 në Shkodër.

#### 5. Sëmundje infektive me transmetim përmes ajrit

##### COVID-19

Gjatë muajit maj 2025 janë raportuar në Sistemin e Informacionit të Sëmundjeve Infektive 4 raste të konfirmuara me COVID-19.

Grup-moshat më të prekura për këtë muaj janë grup-mosha 0-4 vjeç, 25-34 vjeç, 35-44 vjeç dhe 55-64 vjeç.

##### Grip

Gjatë muajit maj është raportuar në Sistemin e Informacionit të Sëmundjeve Infektive 1 rast i konfirmuar me Grip B, dhe incidenca e kësaj sëmundjeje për muajin maj është 0.03 raste /100000 banorë.

#### 6. Sëmundje të tjera

##### 6.1 Malarie

Për muajin maj është raportuar 1 rast i konfirmuar në Laboratorin e Kontrollit të Vektorëve në ISHP me Malarie Plasmodium Falciparum . Rasti është i moshës 53 vjeç, gjinia mashkull, ardhur nga Italia.

## 6.2 Lija e majmunit

Për muajin maj është raportuar 1 rast i konfirmuar në Laboratorin e Virologjisë në ISHP me Lijë Majmuni . Rasti është i moshës 32 vjeç, gjinia mashkull nga Shqiperia e mesme.